

vnce, les bien piler & mettre en poudre, dans vn canon de bois de la longueur d'vn demy pied, & la soufflerez à la porte de la chābre, vous verrez esternuer en abondance.

*Pour changer en un ieu de cartes quatre Rois en quatre Dames, ou autre, de la façon que vous voudrez.*

Faut prendre trois cartes, lesquelles vous ferez peindre moitié, d'vne façon, & moitié de l'autre, & avec vne autre carte, les tenant couvertes, vous montrerez le ieu, lesquelles tournant de l'autre costé changera les cartes.

*Pour faire qu'en tirant vne carte hors du ieu, il s'en trouue vne autre sans que l'on l'apperçoine.*

Prenés vn Roy de carte, & le pliez par la moitié, puis le mettez au dessus d'vne autre couurant subtilement vostre industrie renuersez les cartes entre vos mains, afin que les figures ne se voyent, faites la tirer par dessus on se trouuera esmerueillé d'en voir vne autre.

*Pour faire deux testes en peinture contre vne muraille, l'vne desquelles amorcera la chandelle, & l'autre l'allumera.*

Faut peindre deux testes contre vne muraille, & faire vn trou à la bouche de toutes deux, dans l'vne desquelles vous mettez du sel armoniac, & à l'autre du soulfhre, & lors que voudrez faire amorcer la chandelle, vous la presenterez à celle du sel armoniac, & apres à